

三國志通俗演義

三國志通俗演義卷之十九

目錄

孔明秋夜祭瀘水

孔明初上出師表

趙子龍大破魏兵

諸葛亮智取三郡

孔明以智伏姜維

孔明祁山破曹真

孔明大破鐵車兵

司馬懿智擒孟達

司馬懿智取街亭

孔明智退司馬懿

三國志通俗演義卷之十九

晉平陽侯陳壽史傳

後學羅本貫中編次

孔明秋夜祭瀘水

却說孔明平定蠻邦。班師回國。時值九月秋
天。蠻王孟獲率引大小洞主酋長。及諸部蠻
夷。皆羅拜相送。前軍至瀘水。忽陰霧黑雲。四
下布合。狂風沙石。從水面而起。兵不能進。回
報孔明。孔明遂問孟獲。獲曰。此水原有猖神。

作禍。往來者必須祭之。孔明曰。用何物祭享。獲曰。舊時國中因猖神作禍。用七七四十九顆人頭。并黑牛白羊。以祭之。自然風恬浪靜。方纔渡之。更兼連年豐稔。孔明曰。吾今事已平定。安忍又殺生靈耶。吾不為之。遂自到灩水岸邊。果見陰風大起。波濤洶涌。人馬皆驚。亦不能渡。孔明甚疑。即尋土人問之。不時老少數十餘人。皆來告說。自丞相經過之後。夜夜只聽得水邊鬼哭神嚎。自黃昏直至天曉。

哀聲不絕。瘴烟之內。陰鬼無數。因此作禍。無人敢渡。孔明白。此乃吾之積惡也。舊時馬岱引蜀兵數百。皆死於水中。更無殺死蠻兵數多。盡棄於水中。狂魂怨鬼。不能解釋。以致如此。吾今晚自當祭之。老人曰。須依舊例。可殺四十九顆人頭以祭之。則怨鬼自散也。孔明曰。吾班師回國。安可妄殺一人。吾自有主見。喚行廚。宰殺牛馬。和麪為劑。塑成人頭。內以牛羊等肉代之。名曰饅頭。

傳至今日
事物紀原

當夜

於瀘水岸上設祭。亮金冠鶴氅。親自臨祭。令董厥讀祭文。其文曰。

維大漢建興三年秋九月日。武鄉侯領益州牧丞相諸葛亮。謹陳祭儀。享于故笈王事蜀中將校。本土神祇。及蠻夷亡者陰魂。曰。昨自遠方侵境。異俗起兵。縱藟尾以興妖。恣狼心而逞亂。且我大蜀皇帝。威勝五霸。明繼三皇。定乾坤於戰場之中。立社稷於干戈之內。一自蠻夷罔窮天道。來叩皇

風。吾奏君王。請三軍暫別龍駕。諸公祖餞。
棄六親。遠辭家國。於是問罪南蠻。莫不逢。
山開路。息浪為橋。大舉貔貅。將除螻蟻。大。
軍雲集。狂寇冰消。纔聞破竹之聲。便是失。
猿之勢。但士卒兒郎。盡是九州豪傑。將校。
官僚。皆為四海英雄。習武從戎。投明事主。
莫不同伸三令。共展七擒。齊堅奉國之誠。
並是忠君之志。何期汝等。偶失兵機。緣落。
奸計。或流矢所中。魄掩泉臺。或鎗劍所傷。

魂歸長夜。志堅忠孝。命終於刀斧之前。正
直奉公。骸棄於塵埃之內。生則有勇。死且
成名。今則凱歌欲還。獻俘將及。汝等英靈
尚在。所禱必聞。隨我旌旗。逐我部曲。同回
上國。各認本家。受骨肉之蒸嘗。領妻子之
祭祀。莫作他鄉之鬼。徒為異國之魂。當念
親姻泣哭於朝昏。子女嚔啣於旦暮。吾奏
皇帝。使汝等各家盡霑恩露。年年請給衣
糧。月月不絕俸祿。用茲鼎答。以慰汝心。父

子傳孫。名題蜀史。今則聊表丹誠。陳其祭祀。各領酒食。共享一餐。依此靈幡。隨我歸國。嗚呼哀哉。伏惟尚饗。

董厥讀畢文。孔明放聲大哭。痛切不已。情動三軍。無不下淚。蠻貊之人。盡皆大慟。只見愁雲怨霧之中。隱隱有數千鬼魂。皆隨風而散。於是孔明令左右將祭物盡棄於瀘水之中。次日。孔明引大軍俱到瀘水南岸。但見雲收霧散。風靜波平。因此蜀兵盡渡了瀘水。果然

鞭敲金鐙。人唱凱歌。行到永昌之時。孔明留王伉。呂凱。以守四郡。分付孟獲。勤政馭下。善撫居民。勿失農務。便回蠻邦。孟獲拜別而去。孔明引大軍而回成都。後主整排鑾駕。出廓三十里迎接。搢知丞相至近。後主遂下輦。立於道傍。候孔明如事父。孔明慌忙下車。伏道而言曰。臣不能速平蠻方。使主上懷憂。臣之罪也。後主扶起孔明。並車而回。大設太平筵會。重賞三軍。蠻邦進貢來者。二百餘處。皆厚。

待之重賞護送各還本國。孔明奏准後主。將
歿於王事者之家。一一重賞。西蜀之地。年豐
歲稔。人心懽悅。萬物咸寧。却說魏主曹丕在
位七年。乃黃初七年。即蜀之建興四年也。丕
先納夫人甄氏。極有顏色。乃中山無極人也。
上蔡令甄逸之女。自三歲失父。建安中。素紹
知其美。娶與中子素。俱為婦。俱出鎮幽州。丕
父曹操打破鄴城。丕見甄氏之美。遂納為妻。
後生一子。名叡。字元仲。自幼聰明。丕甚愛之。

後丕又納安平廣宗人郭永之女為貴妃。此女極美。其父曰。吾女乃女中之王也。故號為女王。自後丕納為貴妃後。因甄夫人失寵。郭貴妃欲謀正宮。却與幸臣張韜商議。時丕有疾。郭貴妃令張韜刻一桐木偶人。上書丕年命。妃却呈於丕。言適於甄氏位下。掘得此物。係魘鎮陛下也。丕見之。大怒。不究其真假。將甄夫人勒死於冷宮。遂立郭貴妃為后。因無出。養曹叡為己子。雖甚愛之。不立為嗣。時叡

年一十五歲。弓馬熟閑。當年春二月。丕帶獸
出獵。行於山塢之間。趕出子母二鹿。丕一箭
射倒母鹿。丕回視小鹿。見卧於曹叡馬下。丕
大呼曰。吾兒何不射之。叡在馬上泣告曰。陛
下已射其母。臣安忍復殺其子也。丕聞之。擲
弓於地。曰。吾兒真乃仁德之主也。遂立叡為
齊公。後改為平原王。夏五月。丕感傷寒。百家
醫治不可。乃召中軍大將軍曹真。鎮軍大將
軍陳羣。撫軍大將軍司馬懿。此三人。乃掌國

家重大之事。皆入寢宮。丕喚曹叡至。乃與曹真等曰。今朕病已沉重。多是不痊。此子年幼。卿等三人。可以輔之。勿負朕心。三人皆告曰。陛下何故出此言也。臣等願竭力以事陛下。千秋萬歲。丕曰。今年許昌城門無故自崩。乃不祥之兆。朕故知其死也。忽征東大將軍曹休入宮問安。丕曰。卿等四人。皆國家柱石之臣也。今已在此。朕有何慮耶。言訖。墮淚而崩。時年四十歲。歿於洛陽宮嘉福殿。在位七年。

後晉平陽侯陳壽評曰

魏文帝天資文藻。下筆成章。博聞強識。才藝兼修。若加之曠大之度。勵以公平之誠。邁至存道。克廣德心。則古之賢主。何遠之有哉。

又史官孫盛評曰

魏王處莫重之哀。而設享燕之樂。居貽厥之始。而墮王化之基。及至受禪。顯納二女。忘其至恤。以誣先聖之典。將何以終。

於是曹真陳羣司馬懿曹休四人一面舉哀。一面立曹叡為大魏皇帝。謚父丕為文皇帝。謚母甄氏為文昭皇后。封鍾繇為太傅。曹真為大將軍。曹休為大司馬。華歆為太尉。王朗為司徒。陳羣為司空。司馬懿為驃騎大將軍。其餘文武官僚各各封贈。大赦天下。時雍涼二州無官守把。於是司馬懿上表乞守西涼等處。曹叡從之。遂封懿提督雍涼等處兵馬。懿領詔去訖。却說細作人飛報入川。來見孔

明。孔明大驚曰。曹丕已死。孺子曹叡即位。餘皆不足掛意。但有河內溫人司馬懿。此人乃世之英雄。今總督雍涼兵馬。倘訓練成時。必為蜀中之大患。不如先起兵伐之。芟除此人。以絕後患。參軍馬謖曰。今丞相平蠻方回。軍馬疲敝。只宜存恤。豈可復遠征耶。要除司馬懿不難。其有一計。不勞丞相張弓隻箭。使司馬懿自死於曹叡之手。未審丞相鈞意允否。孔明聞之。遂問其計。試看馬謖道出甚計來。

果然司馬懿性命如何。且聽下回分解。

孔明初上出師表

却說孔明問於馬謖曰。有何妙計。能使司馬懿自死于曹叡之手。願詳言之。於是馬謖獻計曰。司馬懿雖是魏朝大臣。而曹叡平素疑之。何不密遣人往洛陽鄴郡等處。布散流言。說此人欲反。却作司馬懿告示天下榜文。徧貼諸處。使曹叡心疑。必然殺此人也。孔明大喜而從之。即遣人密行此計去了。却說鄴城

門上貼下告示。守門者揭了來奏曹叡。觀觀之。大驚失色。其文曰

驃騎大將軍總領雍涼等處兵馬事。司馬懿謹以信義布告天下。昔太祖武皇帝創立皇基。本欲立陳思王子建為社稷主。不幸奸讒交集。歲久潛龍。今皇孫曹芳素無德行。妄自居尊。有負太祖之遺意。今吾應天順人。以慰萬民之望。克日興師到關。皆早歸命新君。如不順者。當滅九族。先此告

聞相宜知悉

曹叡大疑。急問羣臣。太尉華歆等奏曰。司馬懿上表乞守雍涼。正為此也。先時太祖武皇帝常與臣曰。司馬懿鷹視狼顧。不可付之兵權。久必為國家之大禍也。今日反情已萌。可速誅之。言未盡。王朗又奏曰。司馬懿深明天文。熟諳韜畧。善曉兵機。常有一匡天下之心。今若不除。久必成王莽之患也。曹叡降旨。便欲興兵御駕親征。忽班部中。大將軍曹真出。

而奏曰。不可。昔文帝託孤於臣等四人。是知
司馬懿無異志也。今無故加兵。乃逼之反耳。
况蜀吳未除。多是奸細行間諜之計。使君臣
自亂。彼却乘虛而擊也。陛下未可深信。叡曰。
司馬懿若變。悔之何及。真又曰。如陛下心自
不穩。可倣漢高祖遊雲夢之計。陛下幸安邑。
安邑地名也司馬懿必然來迎。可觀其動靜。就車
前擒之。可也。叡從之。遂命曹真監國。即引御
林軍十萬。迺到安邑。此時司馬懿果然不知。

欲令天子看其兵勢威嚴。乃整兵馬。率甲士數萬而迎。近臣奏曰。司馬懿果率力生甲士十餘萬。前來抗拒。實有反心矣。敵慌命曹休先領精兵迎之。司馬懿見兵來到。只疑車駕親幸。乃伏道而迎。曹休出曰。仲達受先帝託孤之重。何故反耶。懿大驚失色。汗流遍體。乃問其故。休備細言之。懿曰。此是吳蜀奸謀。間諜之計也。使我君臣自相殘害。彼却乘此虛勢而襲之矣。某當自見天子。懿急退了軍。直

至叡車前。俯伏泣奏曰。臣受先帝託孤之重。安有異心。此必吳蜀之詐計也。臣乞總此兵者。實欲先破蜀。後伐吳。以報先帝與陛下耳。叡持疑未決。華歆奏曰。不可付之兵權。可黜罷回鄉。此漢文帝以報周勃也。叡依此言。將司馬懿削去官職。命曹休總督雍涼兵馬。司馬懿貶回鄉里。魏主曹叡駕回洛陽。却說細作探知此事。報入川中。孔明聞之。大喜曰。吾欲伐魏久矣。奈有司馬懿總雍涼之衆。今既

中計而貶之。吾有何憂耳。次日。後主早朝。大會官僚。孔明出班。上出師表一道。表曰。

先帝創業未半。而中道崩殂。今天下三分。益州疲敝。此誠危急存亡之秋也。然侍衛之臣。不懈于內。忠志之士。忘身於外者。蓋追先帝之殊遇。欲報之於陛下也。誠宜開張聖聽。以光先帝遺德。恢弘志士之氣。不宜妄自菲薄。引喻失義。以塞忠諫之路也。宮中府中。俱為一體。陟罰臧否。不宜異同。

若有奸詐犯科。及為忠善者。宜付有司論其刑賞。以昭陛下平明之治。不宜偏私。使內外異法也。侍中侍郎郭攸之。費禕。董允等。此皆良實。志慮忠純。是以先帝簡拔。以遺陛下。愚以為宮中之事。事無大小。悉以咨之。然後施行。必能裨補闕漏。有所廣益。將軍向寵。性行淑均。曉暢軍事。試用於昔日。先帝稱之曰能。是以臬議舉寵為督。愚以為營中之事。事無大小。悉以咨之。必能

使行陣和睦。優劣得所。親賢臣。遠小人。此
先漢所以興隆也。親小人。遠賢臣。此後漢
所以傾頽也。先帝在時。每與臣論此事。未
嘗不嘆息痛恨於桓靈也。侍中尚書。長史
參軍。此悉貞亮死節之臣也。陛下親之信
之。則漢室之隆。可計日而待也。臣本布衣。
躬耕南陽。苟全性命於亂世。不求聞達於
諸侯。先帝不以臣卑鄙。猥自枉屈。三顧臣
於草廬之中。諮臣以當世之事。由是感激。

許先帝以驅馳。後值傾覆。受任於敗軍之
際。奉命於危難之間。邇來二十有一年矣。
先帝知臣謹慎。故臨崩寄臣以大事也。受
命以來。夙夜憂慮。恐付託不效。以傷先帝
之明。故五月渡瀘。深入不毛。今南方已定。
兵甲已足。當獎率三軍。北定中原。庶竭駑
鈍。攘除奸凶。以復興漢室。還於舊都。此臣
所以報先帝而忠陛下之職分也。至於斟酌
損益。進盡忠言。則攸之。禕之。任也。願

陞下託臣以討賊興復之效。不效。則治臣之罪。以告先帝之靈。責攸之禕允等之咎。以彰其慢。陛下亦宜自謀。以諮諏善道。察納雅言。深追先帝遺詔。臣不勝受恩感激。今當遠離。臨表涕泣。不知所云。謹表

後主覽表而言曰。相父孤蠻遠涉艱難。方始回都。坐未安席。今又欲北征。恐勞神思也。孔明曰。臣受先帝託孤之重。夙夜未嘗有怠。今日平蠻回國。一載有餘矣。軍馬已銳。器械已

足糧草之類。盡皆完備。不就此時討逆。恢復
中原。更待何日耶。忽班部中太史譙周出奏
曰。臣夜觀天象。北方旺氣正盛。星曜倍明。未
可圖也。乃顧孔明曰。丞相深明天文。何故強
為也。孔明曰。天道之理。變易不常。豈可拘執
也。吾今且駐軍馬於漢中。觀其動靜而行之。
譙周等諫之不從。於是孔明乃留郭攸之。董
允。費禕等為侍中。總攝宮中之事。又留向寵
為大將。總督御林軍馬。蔣琬為參軍。張裔為

長史。掌丞相府事。又留杜瓊為諫議大夫。杜微。楊洪。為尚書。孟光。朱敏。為祭酒。尹默。李譔。為博士。郤正。費詩。為秘書。譙周。為太史。內外文武官僚二百餘員。同理蜀中之事。孔明受詔興兵。克復中原。重興漢室。孔明暫歸府內。喚諸將聽令。前督部鎮北將軍領丞相司馬涼州刺史都亭侯魏延。前軍都督領扶風太守張翼。牙門將裨將軍王平。後軍領兵使安漢將軍領建寧太守李恢。副將定遠將軍領

漢中太守呂義。兼管運糧。左軍領兵使平壯
將軍陳倉侯馬岱。副將飛衛將軍廖化。右軍
領兵使奮威將軍博陽亭侯馬忠。撫戎將軍
關內侯張嶷。行中軍師車騎大將軍都鄉侯
劉琰。中監軍揚武將軍鄧芝。中參軍安遠將
軍馬謖。前將軍都亭侯袁綝。左將軍高陽侯
吳懿。右將軍玄都侯高翔。後將軍安樂侯吳
班。領長史綏軍將軍楊儀。前將軍征南將軍
劉巴。前護軍偏將軍漢城亭侯許允。左護軍

篤信。中郎將丁咸。右護軍偏將軍劉敏。後護軍典軍中郎將官雒。行參軍昭武中郎將胡濟。行參軍諫議將軍閔晏。行參軍偏將軍麴習。行參軍裨將軍杜義。武略中郎將杜祺。綏戎都尉盛敷。從事武畧中郎將樊岐。典軍書記樊建。丞相令史董厥。帳前左護衛使龍驤將軍關興。右護衛使虎翼將軍張苞。孔明受詔。封為平北大都督。丞相武鄉侯領益州牧。知內外事。諸葛亮於是。孔明分撥已畢。又檄

李嚴等守川口以拒東吳。選定建興五年春三月丙寅日出師。忽帳下一老将厲聲而進曰。我雖年邁。尚有廉頗之勇。馬援之雄。此二古人皆不服老。何故不用我耶。衆視之。乃常山趙子龍也。孔明曰。吾自平蠻回都。馬孟起因病身故。予甚惜之。以為折其右臂也。今將軍年紀已高。但恐稍有參差。動搖一世之英名。減却西蜀之銳氣也。子龍厲聲曰。吾自隨先帝以來。臨陣不退。遇敵則先。大丈夫得死

於疆場者。幸也。吾何恨焉。願為前部先鋒。孔明再三苦勸不從。子龍曰。如不教我為先鋒。就撞死於堦下。孔明曰。將軍既要為先鋒。須得一人同去。言未盡。一人應曰。某雖不才。願與老將軍先引一軍。前鋒破敵。孔明視之。乃義陽新野人也。見為中監軍。揚武將軍。姓鄧。名芝。字伯苗。孔明大喜。即撥精兵五千。副將十員。隨趙子龍。鄧芝為先鋒。去訖。孔明出師。後主百官送於江門外十里。孔明辭了後主。

而去。旌旗蔽野。戈甲如霜。沿道之民。輦食壺
漿以迎王師。孔明率大軍望漢中。迤邐進發。
却說邊庭探知此事。報入中原。是日。魏主曹
叡設朝。近臣奏曰。邊官報道。諸葛亮率領大
兵三十餘萬。出屯漢中。令趙雲鄧芝為前部
先鋒。引兵入境。其機至急。敵大驚慌。問羣臣
曰。誰可為將。以退蜀兵。忽一人應聲而出曰。
臣父死於漢中。切齒之讐。未嘗得報。今蜀兵
侵境。臣願引本部猛將。乞陛下賜關西之兵。

上為國家效力。下報父親之讐。臣萬死而不
恨也。衆視之。乃安西鎮東將軍侍中尚書駙
馬都尉假節夏侯淵之子。夏侯惇也。惇音惇
字子林。自幼過房與夏侯惇為子。後夏侯淵
被黃忠斬之。魏武帝曹操憐之。以女清河公
主招惇為駙馬。因此朝中欽敬。雖掌兵權。性
急慳吝。未曾臨陣。此時曹叡即命夏侯惇為
大都督。調關西諸路軍馬。前去迎敵。忽一人
諫曰。不可。泉視之。乃司徒王朗也。朗奏曰。夏

侯駙馬素不曾經戰。今付以大任。非其宜也。
更兼諸葛亮足智多謀。深通韜畧。不可與敵
也。夏侯惇叱之曰。司徒莫非結連諸葛亮。欲
為內應耶。吾自幼從父。學習韜畧。深通兵法。
汝何欺吾年幼也。吾若不生擒諸葛亮。誓不
回見天子。王朗等皆不敢言。夏侯惇辭了魏
主。星夜到長安。調關西諸路軍馬二十餘萬。
來敵孔明。未知勝負如何。

趙子龍大破魏兵

建興五年夏四月孔明率兵前至沔陽經過
馬超墳墓乃令弟馬岱掛孝孔明親自祭之
蜀人楊戲作贊曰

驃騎奮起連橫合從首事三秦保據河潼
宗計於朝或異或同敵以成壘家破軍亡
乖道反德託鳳攀龍

又史官作馬孟起廟贊曰

西川馬孟起名譽震關中信布齊誇勇關
張可並雄渭橋施六戰安蜀奏全功曹操

聞風慙。流芳播遠戎。

孔明祭畢。回到寨中。商議進兵。忽遠哨馬報。魏主曹叅遣駙馬夏侯楙。調關中諸路軍馬。前來拒敵。忽魏延上帳獻策曰。夏侯楙乃膏粱子弟。懦弱無謀。可賜精兵五千。直取路出褒州。循秦嶺以東。當子午谷而投。此十日之中。可到長安。夏侯楙若聞某驟至。必然棄城望橫音門邸閣而走矣。所棄糧草。足可為用也。某却從東方而來。丞相可大驅士馬。自斜

谷而進。若如此行之。則咸陽以西。一舉而可定矣。此萬全之計也。孔明笑曰。此非萬全之計也。汝欺中原無好人物。倘有人進言者。於山僻中以軍截之。非令五千人受害。亦大傷其銳氣也。決不可用之。魏延又曰。丞相從大路進發。彼必盡起關中之兵。於路迎敵。則徒廢生靈。何日而得中原也。孔明曰。吾從隴右取平坦大路。依法進兵。豈不勝耶。遂不用魏延之計。即差人令趙雲進兵。却說夏侯惇在

長安聚集諸路軍馬。時有西涼大將韓德。善使開山大斧。有萬夫不當之勇。引西羌諸路兵八萬到來。見了夏侯惇。惇重賞了畢。就遣韓德為先鋒。德有四子。皆精通武藝。子馬過人。長子韓瑛。次子韓瑤。三子韓瓊。四子韓琪。真乃雄偉之士。韓德帶四子并西羌兵八萬。取路而來。前至鳳鳴山。正遇蜀兵兩陣對圓。韓德出馬。四子列於兩邊。德厲聲大罵曰。反國之賊。安敢侵吾境界耶。趙子龍大怒。挺鎗。

縱馬。單搦韓德交戰。長子韓瑛躍馬挺鎗來迎。戰不三合。被子龍一鎗刺死於馬下。次子韓瑤見之大怒。縱馬揮刀來取子龍。子龍施逞舊日虎威。抖搜精神。相迎韓瑤。瑤抵敵不住。三子韓瓊見了。奮怒急挺方天戟。驟馬前來夾攻。子龍全然不懼。鎗法不乱。四子韓琪見二兄戰子龍不下。也馳馬掄兩口日月刀而來。圍住子龍。子龍在中央。獨戰三將。少時韓琪中鎗落馬。魏陣中一將救去。子龍拖鎗

便走。韓瓊按戟急取弓箭射之。連放三箭。皆被子龍用鎗撥了。瓊大怒。仍綽方天戟。縱馬趕來。却被子龍一箭射中面門。落馬而死。韓瑤急驟馬趕到。舉刀便砍子龍。子龍拖放不迭。弓鎗皆棄。閃過寶刀。生擒韓瑤歸陣。復縱馬取鎗。殺過陣來。韓德見四子皆喪于子龍之手。肝膽皆裂。先走入陣去了。西涼兵素知子龍之名。又見英雄尚在。誰敢交鋒。子龍馬到處。大喝一聲。陣開兩下。紛紛亂走。陣陣倒

退却被子龍匹馬單鎗。往來衝突。如入無人之境。後人有詩贊曰。

憶昔常山趙子龍。年登七十建奇功。獨誅四將來衝陣。猶似當陽救主雄。

鄧芝見子龍大勝。率蜀兵掩殺。西涼兵大敗而走。韓德險被子龍擒住。乃棄甲步行而逃。子龍鄧芝收軍回寨。芝賀曰。某見將軍如此英雄。不想壽已七旬。精神尚在。今日陣前獨勝四將。世之罕有也。子龍曰。丞相以吾年邁。

不欲取用。吾故以此功表之。遂差人解韓瑤
申報捷書。以達孔明。却說韓德引敗軍回見
夏侯楙。哭告其事。楙自統兵來迎子龍。忽探
馬報入蜀寨。說夏侯楙自引兵到。子龍乃上
馬。綽鎗引千餘軍。就鳳鳴山前列成陣勢。當
日夏侯楙戴金盔披金甲。坐下雪白馬。手提
大砍刀。立在門旗之下。見子龍躍馬挺鎗。往
來馳騁。楙欲自戰。後面韓德言曰。殺吾四子
之讐。如何不報。縱馬掄開山大斧。直取子龍。

子龍忿怒挺鎗來迎。戰不三合。一鎗刺韓德
死於馬下。急縱馬直取夏侯楸。楸慌閃入本
陣。鄧芝驅兵掩殺。魏兵又拆一陣。退十餘里
下寨。楸連夜與衆將商議曰。吾久聞趙雲之
名。未嘗見面。今日年老英雄尚在。方信當陽
長阪之事。似此無人可敵。如之奈何。衆軍程
武乃程昱之子進言曰。某料趙雲有勇無謀之輩。
不足慮哉。來日都督再引兵出。先伏兩軍於
左右。都督臨陣先退。誘趙雲到伏兵處。都督

却登山指揮。四面軍馬重疊圍住。足可擒矣。
搆從其言。遂遣神武將軍董禧。引三萬兵伏
於左。征西將軍薛則。引三萬兵伏於右。二人
領兵埋伏去了。次日夏侯搆復整金鼓旗幡。
率兵而進。子龍鄧芝出迎。芝在馬上與子龍
曰。昨夜子龍殺了韓德。魏兵不敢戰。大敗而
去。今日此來。必有詐也。老將軍可防之。子龍
曰。量此乳臭小兒。何足道哉。吾今日必然擒
之。只見魏軍中旗幟之下。夏侯搆與諸將搆

戰。子龍奮怒。便躍馬而出。魏將偏將軍潘遂
出迎。戰不三合。遂撥馬便走。子龍趕去。魏陣
中八員將。一齊來迎。放過夏侯惇先走。八將
却敗奔走。子龍乘勢追殺。鄧芝亦提兵掩殺。
子龍深入重地。四面喊聲大震。芝急收軍回
時。左有董禧。右有薛則。兩路兵殺到。因芝兵
少。不能救解。將子龍困在垓心。子龍東衝西
突。魏軍越厚。此時子龍手下止有千餘人。殺
到山坡之下。只見惇在山上指揮三軍。子龍

投東則望東。指傍邊執法官。把旗望東指。軍馬就望東圍。因此攻打不透。子龍引兵殺上山來。忽半山中。擣木砲石打將下來。不能上山。山上弩箭如雨。蜀兵傷折太半。子龍從辰時殺至酉時。不得脫走。子龍正在垓心。下馬少歇。待月明衝突。却纔卸甲。蘇困。月光方出。忽四下火光冲天。鼓聲大震。矢石如雨。魏兵殺到。皆叫曰。趙雲早降。子龍急上馬迎敵。四面軍馬漸漸逼近。八方弩箭交射甚急。人馬

皆不能向前。子龍仰天嘆曰：吾不服老，死於此地矣。忽東北角上喊聲大起，魏兵紛紛亂竄。一彪軍殺到，為首大將素袍銀鎧，使丈八點鋼矛，提一顆人頭。子龍視之，乃肅翼將軍張苞也。苞見了子龍，言曰：丞相恐老將軍有失，特遣某引五千兵接應。聞知老將軍被困，故殺透重圍，正遇魏將薛則攔路，被某殺之。子龍大喜，即與張苞殺出西北角來。只見魏兵棄戈奔走。一彪軍從外呐喊殺入，為首大

將坐下赤兔馬。提偃月青龍刀。手挽人頭。子龍視之。乃龍驤將軍關興也。興與子龍曰。奉丞相之命。恐老將軍有失。特引五千兵前來接應。却纔陣上逢着魏將董禧。被吾一刀斬之。梟首在此。丞相隨後便到也。子龍曰。二將軍已建奇功。何不就今日擒住夏侯楙。以定大事也。張苞聞言。遂引兵去了。興曰。我也幹功去矣。關興也引兵去了。子龍回顧左右曰。他兩箇是吾子姪之輩。尚且幹功去了。吾乃

國家上將。朝廷舊臣。反不如此小兒也。吾當捨老命以報先帝之恩。此時子龍引兵來捉夏侯惇。當夜三路兵到。未知夏侯惇性命如何。

諸葛亮智取三郡

却說子龍與關興張苞三路兵大破魏軍一陣。鄧芝引兵接應。殺得屍橫遍野。血流成河。夏侯惇乃無謀之人。更兼未曾經戰。見軍大亂。遂引帳下驍將百餘人。望南安郡而走。泉

軍因見無主。盡皆逃竄。與苞二將。聽知夏侯
惪望南安去了。連夜趕來。惪走入城中。令緊
閉城門。驅兵守禦。與苞趕到。一聲砲響。將城
圍了。子龍隨後也到。三面攻打。少時。鄧芝亦
引兵到。一連圍了十日。攻打不下。忽報丞相
留後軍駐於沔陽。左軍屯於陽平。右軍屯於
石城。丞相自引中軍來到。子龍。鄧芝。關興。張
苞。皆來拜見。孔明說連日攻城不下。孔明日。
待吾自觀之。遂乘四輪小車。到城邊周迴看。

了一遍。回寨升帳而坐。裒將環立聽令。孔明曰。此郡壕深城峻。不易攻也。吾正事不在此。汝等如是久守。倘魏兵分道而出。却取漢中。於吾軍無益矣。鄧芝曰。夏侯楙乃魏之駙馬。若擒此人。勝斬百將。今困於此。豈可棄之而去耶。孔明曰。吾自有計矣。但未知此處接連何郡。左右告曰。西連天水郡。北抵安定郡。孔明曰。二處太守。是何人也。答曰。天水太守馬遵。安定太守崔諒。孔明大喜。乃喚魏延受

計如此如此。又喚關興張苞受計如此如此。又喚心腹二人受計如此行之。各將領命引兵而去。孔明却在南安城外。令軍運柴草堆於城下。口稱燒城。魏兵聞知皆大咲不懸。却說安定太守崔諒在城中。聞知蜀兵圍了南安。困住夏侯楙。十分慌懼。即點軍馬將有四千守住城池。忽見一匹馬飛到。其人自正南而來。口稱有機密事。崔諒喚入問之。答曰。某是夏侯都督帳下心腹將裴緒。今奉都督將

令。特來求救於安定天水二郡。即目南安其危甚急。每日城上縱火為號。專望二郡救兵。並不見到。復差某殺出重圍。特來報急。可星夜起兵為外應。都督若見二郡兵到。却開城門接應也。諒曰。有都督文書否。緒貼肉取出。汗已濕透。畧教一視。急令手下換了乏馬。便出城望天水而去。不二日。又有報馬到。天水太守已起兵揀援南安去了。早早接應。崔諒與府官商議。多官曰。若不去救了南安。則送

了夏侯駙馬皆我兩郡之罪也。只得救之。諒
即點本部人馬。離城而去。止留文官守城。且
說崔諒提兵向南安大路而進。遙望見火光
冲天。催兵星夜進發。離南安尚有五十餘里。
忽然前後喊聲大震。諒慌問左右。不時哨馬
報道。前面關興截住去路。背後張苞殺來。安
定之兵四下逃竄。諒大驚。乃領手下百餘人
往小路死戰得脫。奔回安定。方到城壕邊。城
上亂箭射將下來。蜀將魏延在城上叫曰。吾

已取了城也。何不早降。乃是魏延扮作安定軍。夤夜賺開城門。蜀兵盡入。因此得了安定。崔諒慌投天水郡來。行不到一程。前面一虜軍擺開大旗之下。一人綸巾羽扇。道袍鶴氅。端坐於車上。諒視之。乃是孔明。急撥回馬走。關興張苞兩路追到。只叫早降。崔諒見得四面皆是蜀兵。不得已而降之。同歸大寨。孔明以上賓相待。孔明日。南安太守與足下厚否。諒曰。此人乃楊昇之族弟。楊陵也。與某隣郡。

交契甚厚。孔明日。今欲望足下入城說楊陵擒夏侯楙可乎。諒曰。丞相若令某去。可整退軍馬。容某入城說之。孔明從其言。即時傳令教四面軍各退二十里下寨。崔諒匹馬到城邊。開城門入到府中。與楊陵禮畢。細言其事。陵曰。我等受魏主大恩。安忍背之。可將計就計而行。遂引崔諒到夏侯楙處。亦告其事。楙曰。當用何計。楊陵曰。只推獻城門。某賺蜀兵入。却就城中殺之。崔諒依計行之。來見孔明。

說楊陵獻城門。放大軍入城。以擒夏侯惇。楊陵本欲自捉。因手下勇士不多。未敢動也。孔明曰。此事至易。今有足下原降兵百餘人。於內暗藏蜀將。可作安定軍馬。帶入城去。先伏夏侯惇府下。却纔與楊陵說。待半夜之時。獻開城門。裏應外合。崔諒暗思。若不帶蜀將去。猶恐生疑。且待他入城。就裏先斬。待舉火為號。獻開城門。孔明必先入也。那時一齊殺之。因此應允。孔明囑曰。吾遣親信將關興張苞。

隨足下去。只推救軍殺入城中。以安夏侯
惲之心。但舉火。吾當親入城去。以擒之。時值
黃昏。關興。張苞。披掛上馬。各執兵器。雜在安
定軍中。隨崔諒來到南安城下。楊陵在城上。
撐起懸空板。倚定護心木欄杆。問曰。何處軍
也。崔諒曰。安定救軍來到。諒先射一蹄箭上
城。箭上帶着密書。曰。今諸葛亮先遣二將伏
於城中。要裏應外合。且不可驚動。恐泄了計
策。待入府中圖之。楊陵將書來見夏侯惲。細

言其事。楸曰：「既然諸葛亮中計，必先入城安民。可伏兵斬之。今先賺得二將，亦除兩害。遂教刀斧手百餘人伏於府中。如二將隨崔太守入府，待下了馬，閉其門而斬之。却於城上舉火，賺諸葛亮入。伏兵齊出一鼓而休也。此時安排了畢。」楊陵回到城上，言曰：「既是安定軍馬，可放入城。」關興跟崔諒先行，張苞在後。楊陵下城，在門傍迎接。興手起刀落，斬楊陵於門下。崔諒大驚，急撥馬奔到吊橋邊。張苞

大喝曰。賊子休走。汝等詭計。如何瞞得丞相耶。丞相大軍便到。先遣吾二人來賺城門。言罷。一鎗刺崔諒於馬下。關興早到城上。放起火來。四面蜀兵齊入。夏侯楹措手不及。開南門併力殺出。一虜軍攔住。為首大將乃是王平。交馬一合。生擒夏侯楹於馬上。餘皆殺死。孔明入南安。招諭軍民。秋毫無犯。裒將各各獻功。孔明將夏侯楹囚於車中。鄧芝問曰。丞相何故知崔諒詐也。孔明曰。吾已知此人無

降心。故使入城。以試真偽。彼果盡情告與夏侯惇。欲將計就計而行。吾見來情。是知詐也。復使二將同去。以穩其心。此人若有真心。必然阻當。便忻然同去者。恐吾疑也。他意中。度二將同去。賺入城內。殺之何遲。又令吾軍有託。放心而進也。吾已暗囑二將。就城門下圍之。城內必無準備。吾軍隨後便到。此出其不意也。泉將拜服。孔明曰。賺崔諒者。吾使心服人。詐作魏將裴緒也。吾令去賺天水郡。至今

未到。可乘時取之。若得三郡。其威大震矣。又曰。吾留吳懿守南安。劉琰守安定。替出魏延軍馬。去取天水郡。却說天水郡太守馬遵。聽知夏侯楙困在南安城中。乃聚一郡武將文臣商議。時有功曹梁緒。主簿尹賞。主記梁虔等曰。夏侯駙馬乃金枝玉葉。倘有疎虞。則甘坐視之罪也。太守何不盡起本部兵以救之。馬遵正疑兵少。未敢造次。忽報夏侯駙馬令心腹將裴緒到。緒入府取公文付馬遵。遵視

之說都督求兩郡之兵。星夜救應。與安定所言皆同。遵令館舍暫歇。一面教行文書。起各郡之兵。一同救應。次日。又有報馬到。稱說安定兵已先去了。教太守火急前來會合。馬遵正欲起兵。忽一人自外大咲而入曰。太守中諸葛亮之計矣。衆視之。乃天水冀人也。姓姜名維。字伯約。父名冏。音景昔日曾為天水郡功曹。因羌戎亂。歿於王事。維自勇博覽羣書。愛習孫武之學。長好武藝。無所不通。奉母至孝。

郡人散之。後為中郎將。就叅本部軍事。當日
姜維乃與馬遵曰。近聞諸葛亮殺敗夏侯
驍。困于南安。水洩不通。焉得有人自重圍之
中而出也。又聞裴緒乃無名下將。多不曾見。
况安定報馬。又無公文。以此察之。此人乃蜀
將。詐稱魏將也。賺得太守出城。料城中無兵。
必然暗伏一軍於左近。乘虛而取天水也。遵
頓悟曰。非伯約之言。則誤中奸計矣。似此如
之奈何。維曰。何難之有。遵曰。若先捉此人。斬

之。閉門堅守。恐又是真。有失大事。維笑曰。太守放心。某有一計。足可擒諸葛亮。亦可解南安之圍也。馬遵遂求其計。未知如何。且聽下回分解。

孔明以智伏姜維

却說姜維獻計與馬遵曰。此郡後必有伏兵。某願請五千軍伏於要路。太守先遣衆人回報。隨後發兵出城。不可遠去。止行三十里便回。但看火起為號。前後夾攻。伏兵可勝也。如

諸葛亮自在。此處必被其所擒矣。遵用其計。遂令來人回報。天水兵出城矣。只留梁緒尹賞守城。果是孔明遣趙子龍引一軍埋伏於山僻之中。只待人馬離城。那時下手。細作回報。言說天水太守馬遵起兵出城。只留文官守城。子龍大喜。又令人報與張翼高翔於路截殺馬遵。此二處兵皆孔明埋伏之將也。却說趙子龍引五千兵。迳投天水郡城下。分兵四路而進。子龍在壕邊高叫曰。吾乃常山趙

子龍也。汝知中計。早獻城池。免遭誅戮。城上梁緒大咲曰。汝中吾姜伯約之計。尚然不知耶。子龍恰待攻城。忽然喊聲大震。四面火光冲天。當先一負少年將。挺鎗勒馬而言曰。汝見天水姜伯約乎。子龍視之。乃姜維也。子龍躍馬挺鎗。直取姜維。戰不數合。維精神倍長。子龍大驚。暗思。誰想此處有這般人物。正戰開之間。兩路軍夾攻將來。乃是馬遵。梁虔。子龍首尾不能相顧。大敗虧輸。子龍衝開路。引

敗兵奔走。姜維趕來。張翼。高翔。兩路軍殺出。接應子龍。姜維因此方回。子龍歸到大寨。見孔明。說中了姜維之計。孔明驚問曰。何等之人。識吾玄機也。忽有南安人告曰。姜維字伯約。乃天水冀人也。事母至孝。文武雙全。智勇足備。真當世之英雄也。子龍又誇獎姜維曰。此人極好鎗法。與他人大不同也。孔明曰。吾今欲取天水。甚輕易之。不想有此人耶。遂起大軍前來。却說姜維回見馬遵。遵曰。事定之。

後當重加保汝。維曰：趙雲敗去，孔明必自来也。某料孔明必疑我軍在城中，可將本部軍馬分為四枝。某引一軍伏於城東，如彼兵到則截之。太守與梁虔、尹賞各引一軍城外伏之。梁緒率百姓在城上守禦。於是姜維分撥已定，却說孔明因慮姜維自為前部，望天水郡進發。將到城邊，孔明傳令曰：凡攻城池，以初到之日激勵三軍，鼓譟直上。若候日久，急難破矣。汝等諸將當激勵三軍，不可失此機。

會。於是。大軍。迺。到。城。下。因。見。城。上。旗。幟。整。齊。不。敢。輕。攻。候。至。半。夜。忽。然。四。下。火。光。冲。天。喊。聲。震。地。正。不。知。何。處。兵。來。只。見。城。上。亦。鼓。譟。吶。喊。相。應。蜀。兵。亂。竄。孔。明。急。上。馬。有。關。興。張。苞。二。將。保。護。殺。出。重。圍。回。頭。看。時。正。東。上。軍。馬。一。帶。火。光。勢。若。長。蛇。孔。明。曰。兵。不。在。多。似。此。人。之。調。遣。真。將。才。也。遂。令。關。興。探。視。回。報。曰。此。姜。維。兵。也。孔。明。嗟。嘆。不。已。折。了。一。陣。收。兵。歸。寨。思。之。良。久。乃。顧。左。右。曰。量。一。姜。維。尚。

不能勝。安得破魏耶。遂喚安定人問曰。姜維之母。見在何處。答曰。見居冀縣。孔明喚魏延分付曰。汝可引一軍。虛張聲勢。詐取冀縣。若姜維到時。可放入城。又問此地何處緊要。安定人曰。天水錢糧。皆在上邽。音若若打破上邽。則糧道自絕矣。孔明大喜。教趙子龍引一軍去攻上邽。孔明離城三十里。早有人報入天水郡。說蜀兵分為三路。一軍守此郡。一軍取上邽。一軍攻冀城。姜維聞之。哀告馬遵曰。愚

母見在冀城。倘母有失。非人子之孝也。某乞一軍就救此城。就保老母。馬遵從之。遂教姜維引三千軍去冀城保母。梁虔引三千軍去保上邽。却說姜維引三千人馬至冀城前面。一軍擺開。為首蜀將乃魏延也。二將交鋒數合。延詐敗奔走。維殺過山隘來。入城閉門。率兵守護。拜見老母。並不出戰。趙子龍亦放過梁虔入上邽城去了。孔明乃令人往南安郡去取夏侯楙至帳下。孔明日。汝想死乎。楙慌

拜伏乞命。孔明曰。目今天水姜維見守冀城。使人持書來。說但得駙馬在我。願歸降。吾今饒汝性命。汝肯招安姜維否。楸曰。情願招安。孔明乃與衣服鞍馬。不令人跟隨。獨自放之。楸得脫出寨。欲尋路而走。柰不知徑路。正行之間。逢數人奔走。楸曰。汝等是何處之人也。答曰。我等皆是冀縣百姓。今被姜維獻了城池。歸降蜀兵。蜀將魏延。縱人放火劫財。我等因此棄家奔走。投上邽去也。楸又問曰。今守

天水城是誰。土民曰。天水城中。馬太守也。楸聽之。縱馬而行。又見百姓攜男挈女遠來。所說皆同。楸至天水城下。叫門。城上人認的是夏侯楸。慌忙開門迎接。馬遵驚拜而問之。楸細言姜維之事。又將百姓所言說了。遵嘆曰。不想姜伯約反投於蜀矣。梁緒曰。彼意欲救都督。故以此言虛降。楸曰。今維已降。何為虛也。正躊躇之間。時值初更。蜀兵又來攻城。火光中。見姜維在城下。挺鎗勒馬大叫曰。請夏

侯都督答話。夏侯楙與馬遵等皆到城上。見姜維耀武揚威。大叫曰。我為都督而降。都督何別前言耶。楙曰。汝受魏恩。何故降蜀。有何言別也。維應曰。汝寫書教我降蜀。何出此言。汝要脫身。却將我陷了。我今降蜀。已加為上將。安有還魏之理。言訖。驅兵打城。至曉方退。夜間粧姜維者。乃孔明之計。因火光之中。難辨真偽。孔明却引兵來攻冀城。城中糧少。軍食不敷。姜維在城上。見西蜀之軍。大車小輛。

搬運糧草入魏延寨中去了。維引三千兵出城劫糧。蜀兵盡棄了糧草尋路而走。姜維奪得糧車。欲要入城。忽然一彪軍攔住。為首將乃張翼也。二將交鋒。戰不數合。王平引一軍又到。兩下夾攻。維力窮。抵敵不住。奪路歸城。城上早插蜀兵旗號。已被魏延襲了。維殺條路奔天水城。手下尚有十餘騎。正遇張苞殺了一陣。維此時止剩得匹馬單鎗。來到天水城下。叫門。城上軍見是姜維。慌報馬遵。遵曰。

此是姜維來賺我城門也。令城上亂箭射下。姜維回顧蜀兵至近。遂飛奔上邽城來。城上梁虔見是姜維在城下。虔大罵曰。反國之賊。安敢來賺我城池耶。吾已知汝降蜀矣。遂亂箭射之。姜維不能分說。仰天長嘆。兩眼流淚。便撥馬望長安而走。行不數里。前至一派大樹茂林之處。一聲喊起。數千軍擁出。為首蜀將關興截住去路。維人困馬乏。不能抵當。勒回馬便走。忽然一輛小車從山坡中轉出。其

人頭戴綸巾。身披鶴氅。手搖羽扇。端坐於上。乃孔明也。孔明喚姜維曰。伯約。此時何為不降。維尋思良久。前有孔明。後有關興。又無出路。只得降之。遂下馬而降。孔明慌忙下車而迎。相叙甚愛。維不勝感激。孔明曰。吾自出茅廬以來。偏求賢者。願盡傳授平生之學。恨未得其人。今遇伯約。吾願足矣。當盡授之。汝宜傾心而報國也。維大喜拜謝。孔明遂同姜維歸寨。升帳商議取天水上邽之計。維曰。天水

城中尹賞梁緒與某至厚。當寫密書二封射入城中。不問應與不應。自然亂矣。孔明從之。姜維寫了二封密書。拴在箭上。縱馬直至城下。射入城中。小校拾得。呈與馬遵。遵大疑。與夏侯楙商議曰。梁緒尹賞與姜維結連。欲為內應。都督宜早決之。可殺梁緒尹賞以除內變之禍。賞知此消息。乃與梁緒曰。不如納城降蜀。以圖進用。是夜夏侯楙數次使人請梁尹二人說話。二人被屈迫事急。遂披挂上馬。

各執兵器。引本部軍來殺夏侯惇。馬遵一面
令人大開城門降蜀。因此夏侯惇馬遵引數
百人出西門棄城投羌胡城而去。梁緒尹賞
迎接孔明入城。安民已畢。孔明問取上邽之
策。梁緒曰。此城乃某之親弟梁虔守之。願招
來降。孔明大喜。緒當日到上邽。喚梁虔出城
來降孔明。孔明重加宴賞。就令梁緒為天水
太守。尹賞為冀城令。梁虔為上邽令。孔明分
撥已畢。整兵進發。諸將問曰。丞相何不去擒

夏侯惇也。孔明曰。吾放夏侯惇。如放一鳴耳。今得伯約。得一鳳也。自古云。千兵易得。一將難求。正謂此也。吾觀伯約行兵用計。與吾相同。故喜愛無限。今已得三城。可圖大事矣。於是孔明引大軍出祁山。來取長安。未知勝負如何。

孔明祁山破曹真

大蜀建興五年冬。諸葛丞相平定天水。南安安定。三郡。及冀城。上邽等處。威聲大震。遠近

州郡望風歸降。於是孔明整頓軍馬。調遣兵卒。盡提漢中之兵。前出祁山。兵臨渭水之西。細作報入洛陽。此時魏主曹叡太和元年。升殿設朝。近臣奏曰。夏侯驍馬已失三郡。逃竄往投羌胡去了。今蜀兵已到祁山。前軍臨渭水之西。早乞發兵破敵。免遭侵境之禍也。叡大驚。乃問羣臣曰。誰可為朕以退蜀兵耶。司徒王朗出班奏曰。臣觀先帝每用大將軍曹子丹。字真所到必克。今陛下何不拜為大都督。

以退蜀兵也。叡准奏。乃宣曹真。曰。先帝託孤與卿。今蜀兵入寇中原。卿安忍坐視乎。真奏曰。臣才疎智淺。不稱其職。王朗曰。將軍乃社稷之臣。不可固辭也。老臣雖駑鈍。願隨將軍上邊。真又奏曰。臣受大恩。安敢少辭。乞一人為副將。叡曰。卿自舉之。真乃保太原陽曲人。姓郭。名淮。字伯濟。官封射亭侯。領雍州刺史。叡從之。遂拜曹真為大都督。賜節鉞。命郭淮為副都督。王朗為軍師。朗字景興。東海郟人。

也。自漢獻帝時舉孝廉入仕。此時年七十六歲。叡乃選撥東西二京軍馬二十萬與曹真。真命宗弟曹遵為先鋒。官封宣武將軍。又命盪寇將軍朱讚為副先鋒。當年十一月出師。魏主曹叡親自送於西門之外方回。曹真引大軍來到長安。過渭水之西下寨。真與王朗郭淮共議退兵之策。朗曰。來日可嚴整隊伍。大展旗幡。老夫自出。只用一席話。敢教諸葛亮拱手而降之。彼不戰自退也。真大喜。是夜

傳令來日四更造飯。天明務要隊伍整齊。人馬威儀。旌旗鼓角。各按次序。當時使人先下戰書。次日兩軍相迎。列成陣勢。於祁山之前。蜀軍遠見魏兵甚是雄壯。與夏侯楙之兵大不同。三鼓鼓角已罷。司徒王朗乘馬而出。上首乃大都督曹真。下首乃副都督郭淮。兩箇先鋒壓住陣角。孫子馬出軍前大叫曰。請對陣主將答話。蜀兵門旗開處。關興。張苞。分左右而出。立馬於兩邊。次後一隊隊驍將分列。

門旗影下。中央一輛四輪車。端坐一人。綸巾羽扇。素衣阜練。衆視之。乃是孔明。孔明舉目見魏陣前三箇麾蓋。乃問陣前護衛曰。此是何人也。護衛曰。旗上大書姓名。中央白髯老者。乃軍師司徒王朗也。上首乃大都督曹真。下首乃副都督郭淮也。孔明曰。王朗必下說詞也。遂教推車於陣外。令護車小校傳曰。休放冷箭。漢丞相與王司徒會話。王朗縱馬出曰。吾有一言。明公請聽。孔明於車上拱手。王

朗在馬上欠身答禮。朗曰。久聞公之大名。今幸一會。公既知天命。識時務。何故興無名之兵也。孔明曰。吾奉詔討賊。何為無名耶。朗曰。天數有變。神器更易。而歸於有德之人。此定然之理也。曩自桓靈以來。天下爭橫。人人稱霸。黃巾縱橫於鉅鹿。張邈問罪於陳留。袁術建號於壽春。袁紹稱王於鄴土。劉表占據荊州。呂布虎吞天下。盜賊蜂起。奸雄鷹揚。社稷有壘卵之危。生靈有倒懸之急。我太祖武皇

帝掃清六合。席捲八荒。萬里傾心。四方仰德。
非權勢而取之。實乃天命之所歸也。世祖文
帝。神文聖武。以膺大統。應天合人。法堯禪舜。
而處中國。以臨萬邦。豈非天心人意乎。今公
蘊大才。抱大器。自欲比於管樂。何不做伊尹。
周公。故強欲逆天理。背人情而行事耶。豈不
聞古人云。順天者昌。逆天者亡。今我大魏。帶
甲百萬。良將三千。量腐草之螢光。怎及天心
之皓月。公可倒戈卸甲。以禮來降。不失封侯

之位。則國安民寧。豈不美哉。蜀兵聞言。嘆之
不已。皆以為有理。孔明默然不語。蜀陣上參
軍馬謖。自思曰。昔季布罵漢高祖。曾破漢兵。
今王朗用此計也。只見孔明在車上大咲曰。
吾以汝為漢朝大老元臣。必有高論。豈期出
此言也。吾有一言。諸軍靜聽。昔日桓靈微弱。
漢統陵替。國亂歲凶。四方擾攘。段珪纔斬於
平津。董卓又生於朝陲。天方勦戮。四寇又興。
遷劫漢帝於閭閻之間。殘暴生民於溝壑之

內。因廟堂之上。朽木為官。殿陛之間。禽獸食
祿。狼心狗幸之輩。滾滾當道。奴顏婢膝之徒。
紛紛秉政。以致社稷丘墟。生靈塗炭。吾素知
汝所行。世居東海之濱。初舉孝廉入仕。理合
匡君輔國。安漢興劉。何期反助逆賊。同情篡
位。罪惡深重。天地不容。傾國之人。欲食其肉。
今日幸吾尚在。乃天意不絕炎漢也。吾奉詔
討賊。仗義興師。汝既為諂諛之臣。只可潛身
縮首。苟圖衣食。安敢在於軍伍之前。妄稱天

數耶。皓首匹夫。蒼髯老賊。當咫尺歸於九泉之下。有何面目而見二十四帝乎。老賊速退。可教反臣與吾決勝負。王朗聽罷。大叫一聲。氣死於馬下。後人有詩讚孔明曰。

兵馬出西秦。雄才敵萬人。輕搖三寸舌。罵死老賊臣。

孔明以扇指曹真曰。吾不逼汝。汝可整頓軍馬。來日決戰。言訖回車。於是兩軍皆退。曹真將王朗屍首。用棺木盛貯。送回長安去了。副

都督郭淮曰。諸葛亮料吾軍中治喪。今夜必
來劫寨。可令兵四路。兩路兵從山僻小徑乘
虛去劫蜀寨。兩路兵伏於本寨外。左右擊之。
曹真大喜曰。此計與吾相合。遂傳令喚曹遵
朱讚。兩箇先鋒。分付曰。汝二人各引一萬軍。
抄出祁山之後。但見蜀兵望吾寨而來。汝便
進兵去劫蜀寨。如蜀兵不動。便徹兵回。不可
輕進。二人受計引兵而去。真與淮曰。我兩箇
各引一枝大軍伏於寨外。寨中虛堆柴草。只

留數人。如蜀兵到。放火為號。諸將皆分左右。各自準備去了。却說孔明歸帳。先喚趙子龍。魏延聽令。孔明曰。汝二人各引本部兵去劫魏寨。魏延進曰。曹真深明兵法。必料我乘喪劫寨。他豈不隄防也。孔明笑曰。吾正要他知吾去劫寨也。彼必有伏兵在祁山之後。待蜀兵過去。却來襲吾寨。故令汝二人前去。過山脚後路。遠下營寨。汝看火起為號。却分兵於兩下。魏延拒住山口。子龍引兵殺回。必遇魏

兵也。容魏將走回。汝乘勢攻之。彼必自相掩殺。可全勝也。二將引兵受計而去。又喚關興張苞。分付曰。汝二人各引一軍。伏於祁山之要路。放過魏兵。却從彼來路殺奔魏寨而去。二人受計引兵去了。又令馬岱。王平。張翼。張嶷。四將伏於寨外四面。以擊魏兵。孔明乃虛立寨柵。居中堆起柴草。以備火號。孔明乃引諸將退於寨後。以觀動靜。却說魏先鋒曹遵。朱讚。黃昏離寨。迤邐前進。二更左側。遙望山

前。隱隱有軍行動。曹遵自思曰。郭都督神機妙算。料知蜀兵矣。遂催兵急進。到蜀寨之時。將及三更。早望見寨柵。曹遵先殺入寨。只見空寨。並無一人。料知中計。便撤軍回。寨中火起。朱讚兵到。自相掩殺。人馬大亂。正殺之間。曹遵與朱讚交馬。方知自相踐踏。及合兵時。忽喊聲大震。四面王平馬岱張翼張嶷殺到。曹朱二人。引心腹軍百餘騎。望大路奔走。忽然鼓角齊鳴。一彪軍截住去路。為首蜀將乃

常山趙子龍也。子龍叫曰。賊將那去。早早受死。曹朱二人奪路而走。忽然喊聲又起。一彪軍殺到。為首蜀將。乃是魏延。曹朱大敗。殺奔魏寨之時。看寨軍只道蜀兵劫寨。慌忙放起號火。左邊曹真。右邊郭淮。二人殺至。自相掩殺。後面三路蜀兵殺到。中央魏延。左邊關興。右邊張苞。大殺一陣。魏兵敗走十餘里。將士死者極多。孔明全獲大功。方始收兵回寨。却說曹真與郭淮商議曰。今魏兵勢孤。蜀兵勢

大將何策以退之。淮曰。勝負乃兵家之常事。不足為弱也。某有一計。使蜀兵首尾不能相顧。定然自走矣。曹真問計。未知如何。且聽下回分解。

孔明大破鐵車兵

於是郭淮與曹真曰。西羌遠夷。自太祖武皇帝時。連年入貢。世祖文皇帝朝。甚以恩惠之。我等且宜據住險阻。蜀兵求戰不出。可密遣人從小路直入羌胡求救。許以和親。羌胡必

起兵襲其後。吾却以正兵擊之。豈不勝哉。真從之。即遣人赴羌胡城去了。却說西羌國王徹里吉。自曹操時。年年入貢。手下有一文一武。文乃雅丹丞相。足智多謀。武乃越吉元帥。青眼黃髯。身長一丈。使一柄長鐵鎚。重一百斤。有萬夫不當之勇。此時魏使齎金珠并書到國。先來見雅丹丞相。送了禮物。雅丹引見國王。曰。中原魏國差人齎書禮來求救兵。着與蜀兵交戰。徹里吉曰。書上怎生說。雅丹曰。

中國許以和親。要退兵寇。理合依准。國王曰。可與元帥商議。雅丹丞相遂請越吉元帥商議。說知此事。越吉允之。即起羌胡兵一十五萬。皆慣使弓箭鎗刀鐵蒺藜流星鎚等器。又有戰車。其車用鐵葉裹釘。裝載糧食軍器什物。或用駱駝駕之。或用騾馬駕之。一歇行數千里不乏。因此號為鐵車兵。遂辭了國王。二人領兵直扣西平關。守關蜀將韓禎急差人齎文報知孔明。孔明聽知。乃問衆將曰。誰敢

去退羌胡之兵也。忽然兩箇素鎧將應曰。某等願往。衆視之。乃左護衛使龍驤將軍關興。右護衛使裊翼將軍張苞也。孔明曰。汝二人要去。奈路途不熟。遂喚馬岱曰。汝素知羌胡之性。久居彼處。可作鄉導。便起精兵五萬。與興苞二人同去。如此行之。興苞等引兵起程。行不數日。早遇番兵。關興先引百餘騎登山看時。只見番兵把鐵車首尾相連。隨處結寨。車上徧排兵器。就似城池一般。興觀之良久。

無破敵之策。回寨與張苞馬岱商議。苞曰。未知番兵虛實。來日見陣。便可知也。次早分兵三路。關興在中。張苞在左。馬岱在右。三路兵齊進。忽見阜鵬旗漫山蔽野。當先盡是軍馬。馬軍叢中。越吉元帥手挽鐵鉞。腰懸寶鵬弓。騎如龍馬。奮勇而來。興招三路兵迤進。忽見番兵分在兩邊。中央放出鐵車。如潮水之急。弓弩一齊驟發。蜀兵大敗。馬岱張苞兩軍先退。關興一軍被番兵一裹。直圍入西北角上。

去了。興在垓心。左衝右突。不能得脫。鐵車密圍。就如城池。蜀兵你我不能相顧。興望山谷中尋路而走。看看天晚。但見一簇皂旗風擁而來。一員番將手提鐵鎚。大叫曰。小將休走。吾乃越吉元帥是也。關興急走。前面正遇斷澗。只得回馬來戰越吉。興終是膽寒。抵敵不住。望澗中而逃。馬蹉得一步。被越吉赶到。一鐵鎚打來。興急閃過。正中馬胯。那馬望澗中便倒。興落於水中。忽聽得一聲響處。背後越

吉連人帶馬平白的倒將下來。興就水中掙起看時。只見岸上一員大將。殺退番兵。興提刀待砍。越吉躍水而逃。興得了這馬。捧到岸上。整頓鞍轡。綽刀上馬。只見那員將尚在前面追殺番兵。興自思良久。救我性命。乃是何人。當與見之。遂拍馬趕來。看看至近。只見雲霧之中。隱隱有一大將。面如重棗。眉若卧蚕。綠袍金鎧。提青龍刀。騎赤兔馬。手綽美髯。分明認得是父親關公。興大驚。却欲問之。

忽見關公以手望東南指之曰。吾兒可往東南速去。吾當護汝歸寨。言訖。一陣風過。已失所言之處。興望東南而走。行至半夜。忽見一彪軍到。為首大將。乃是張苞。苞問曰。汝曾見二伯父否。興曰。你如何得知。苞曰。吾被鐵車兵追急。忽見二伯父自空中而下。驚退番兵。以手指之曰。汝從這條路去。可救吾兒。言訖不見。因此爪尋至此。關興細言其事。二人同歸大寨。馬岱迎入。岱曰。此軍無計可退。我當

守寨。你二將軍可求丞相計策。退此番兵。於是馬岱退兵山谷內下寨。與苞星夜來見孔明。說知此事。孔明急引姜維、張翼。又帶三萬兵。同興苞來到馬岱寨中歇定。次日孔明上馬登高望之。見鐵車連絡不絕。人馬縱橫。往來馳騁。孔明觀畢。回寨與衆將曰。量此小陣。何難破之。乃喚馬岱。張翼曰。如此如此。二人受計。引兵而去。又喚姜維曰。汝知破鐵車之法否。維曰。羌胡之人。惟恃拙勇而已。豈知子

牙之術乎。孔明嘆曰。汝深知吾意也。吾令關興張苞。作伏路誘敵之兵。連日若彤雲密布。朔風不止。吾計可施矣。汝但看紅旗為號。可以避之。於是姜維連日引兵搦戰。番兵來迎。蜀兵便退。番兵隨後追殺。直趕到寨內。不見一軍。惟插旌旗。番兵疑之。不進而退。此時冬十二月。天氣果然大雪忽降。姜維又引兵來戰。越吉元帥大怒。急引鐵車兵來迎。姜維不戰而走。番兵趕到寨前。姜維已從寨後而出。

番兵在外觀之。四面皆立旌旗。寨中有鼓琴之聲。回報越吉元帥。越吉心疑。乃與雅丹丞相商議。雅丹曰。此是諸葛亮詭計。虛設疑兵。可以攻之。越吉遂引兵到蜀寨前。正見孔明攜琴上車。引數十騎望後寨而去。番兵搶了寨柵。直趕過山口。但見小車隱隱轉過林樹去了。雅丹丞相與越吉元帥曰。這等之兵。雖有埋伏。不足惧之。遂起大兵追趕。又見姜維兵在雪地之中。越吉大怒。催兵飛奔追趕。更

兼山路平坦。又被雪漫曠野。一望並無軍馬。正趕之間。忽報蜀兵自山後而出。雅丹曰。縱有此小伏兵。何足畏之。忽聽得前面鼓角齊鳴。喊聲大震。番兵迤往前奔。忽然山崩地陷。番兵俱落於坑中。背後鐵車正行得緊溜。急難收救。擁併而來。自相踐踏。後面番兵急要回時。左邊關興。右邊張苞。兩軍萬弩齊發。背後姜維馬岱張翼三路兵殺到。鐵車兵大亂。越吉元帥望後面山谷中而逃。正逢關興交。

馬只一合。被興舉起青龍刀。大喝一聲。斬越
吉於馬下。雅丹丞相早被馬岱活捉。解到大
寨來。番兵各自逃去。孔明升帳。馬岱押過雅
丹來。孔明叱武士去其縛。賜酒食壓驚。用好
言撫慰。孔明喚雅丹丞相曰。吾主乃大漢皇
帝。命吾討賊。尔如何聽反臣之語而作亂也。
吾國與尔乃隣邦。永結盟好。勿聽反言。尔若
從之。將舊日通和之意。傷壞矣。雅丹深感其
德。孔明遂將所獲番兵。盡皆賞勞。同雅丹俱

放回國。衆皆拜謝而去。孔明將越吉元帥首級。用木匣盛之。設宴會賞已畢。引三軍連夜投祁山大寨而來。一面差人齎表奏報捷音。却說曹真連日望羌胡消息。忽有伏路軍來報說。蜀兵拔寨起程。郭淮大喜。乃與曹真曰。此是羌胡兵攻擊太急。因此退去也。遂分兩路追趕。前面蜀兵亂走。魏兵隨後追襲。先鋒曹遵正趕之間。忽然鼓聲大震。一彪軍閃出。為首大將。乃前督部鎮北將軍。領丞相司馬。

涼州刺史都亭侯魏延。大叫曰。反賊休走。曹
遵大驚。拍馬交鋒。不三合。被魏延一刀斬於
馬下。副先鋒朱讚引兵追趕。忽然喊聲大震。
一彪軍閃出。為首大將乃中護軍征南將軍。
封永昌亭侯常山趙雲也。朱讚措手不及。被
子龍一鎗刺死於馬下。曹真郭淮見兩路先
鋒有失。欲收兵回。背後喊聲大震。鼓角齊鳴。
乃是關興張苞兩路軍殺出。將曹真郭淮圍
住。痛殺一陣。真淮二人引敗兵奪路走脫。蜀

兵全勝。只追到渭水。奪了魏寨。曹真折了兩箇先鋒。哀傷不已。只得寫表申朝。乞撥援兵。却說魏主曹叡設朝。近臣奏曰。大都督曹真數敗於蜀。折了兩箇先鋒。羌胡兵又折了無數。其危甚急。今都督上表求救。請陛下裁處。叡大驚。乃問文武曰。退軍之策。如何施也。華歆奏曰。須是陛下御駕親征。大會諸侯。人皆用命。方可退也。陛下若不親征。則長安有失。關中危矣。太傅鍾繇奏曰。凡為將者。知過於

人。則能制人。孫子云。知彼知己。百戰百勝。臣
量曹子丹。雖久用兵。非諸葛亮之對手也。臣
以全家良賤。保舉一人。足可退諸葛亮之師。
未知聖意准否。叡曰。卿乃大老元臣。有何賢
士。可退蜀兵。當早召來。與朕分憂。未知鍾繇
保舉何人。下回便見。

司馬懿智擒孟達

於是太傅鍾繇奏曰。向者諸葛亮欲興師犯
境。但恐其人。故散流言。令陛下去其柱石之

臣果然陛下中計。方長驅大進也。今若復用其人。則諸葛亮自然退矣。魏主曹叅問之。繇曰。此人乃驍騎大將軍司馬懿也。叅長嘆曰。朕到今心中猶悔。非卿所言。無以發明也。仲達見在何地。繇曰。近聞仲達在宛城閑住。叅即降詔。遣使持節。仍復司馬懿官職。加為平西都督。就起南陽諸路軍馬。前赴長安。叅御駕親征。克日到彼聚會。使命星夜投宛城去了。却說孔明自出師以來。累獲全功。料長安

指日而得。心中甚喜。正在祁山寨中會衆議事。忽報永安宮鎮守李嚴。令子李豐來見。孔明只道東吳兵犯境。心甚驚疑。喚入帳中問之。豐曰。特來報喜。孔明曰。有何喜也。豐曰。昔日孟達降魏。乃不得已降之。彼時曹丕甚愛。每稱將相之才。時以駿馬衣服玩器金珠而賜之。曾同輦出入。羣臣無不驚訝。封為散騎常侍。領新城太守。鎮守上庸金城等處。委以西南之任。如此重用。自丕死後。曹叡即位。甚

不相好。絕其所賜。朝中多人嫉妬。孟達日夜不安。常與諸將曰。我本是蜀將。勢逼於此。今累差心腹人。持書來見家父。教早晚代稟丞相。前者五路下川之時。曾有此意。丞相亦知。今在新城。聽知丞相伐魏。欲起新城。金城。上庸。三處軍馬。就彼處舉事。遂取洛陽。丞相却取長安。兩京可定矣。今某引來人并累次書信呈上。孔明大喜。厚賞李豐等。忽細作人報說。魏主曹叡一面駕幸長安。一面詔司馬懿。

復職加為平西都督。起本處之兵。於長安聚會。孔明聽畢。頓手跌足。不知所措。參軍馬謖問曰。量曹叡何足為道。若得來長安。就而擒之。丞相何故驚也。孔明曰。吾豈懼曹叡耶。平生所患者。獨司馬懿一人而已。今孟達欲舉大事。若司馬懿得此大權。事必敗矣。達非司馬懿之敵手。必被所擒。孟達若死。中原不易得也。馬謖曰。何不急修書。令孟達隄防。孔明從之。即修書。令人星夜回報。孟達却說。孟

達在新城。專望心腹人回報。不時心腹人到。來。將孔明回書呈上。孟達折封視之。書曰。近得書。足知公忠義之心。不忘故舊。吾甚為喜慰。公若成此大事。則漢朝中興第一之功也。然極宜甚密。不可容易託人。雖兄弟妻子亦難保也。慎之戒之。近聞魏叡復詔司馬懿起宛洛之兵。若聞公舉大事。彼必先至矣。當萬全隄備。勿視為等閑人耳。吾猶懼之。公請詳察。

孟達覽畢。大咲曰。人言孔明心多。今觀此事。足可知矣。心腹人告曰。主公可修回書以安丞相之心。不可如常慢也。達從之。又具回書令心腹人星夜來答孔明。孔明喚入帳中。其人呈上回書。孔明拆封視之。書曰。

適承鈞教。安敢少怠。切謂司馬懿之事。達以為必不懼也。宛城離洛城約八百里。至新城一千二百里。若司馬懿聞達舉事。須表奏魏主。往復則一月間之事也。達城池。

已固。諸將亦與三軍皆在淩險之地。司馬懿便來。達何惧哉。丞相可寬懷。惟聽報捷。謹復。

孔明看畢。擲之於地。而頌足曰。孟達必死於司馬懿之手矣。馬謖問曰。何謂也。孔明曰。兵法云。攻其無備。出其不意。豈容孟達料在一月之期也。既曹叡已委司馬懿。逢寇即除。何待奏聞乎。若知孟達反。不須十日。兵必到矣。安能措手耶。衆將皆服。孔明急令人回報。

曰。若未舉事。切莫教同事者知之。知則必喪命矣。其人拜辭。歸新城去了。却說司馬懿在宛城閑住。聞知魏兵累敗於蜀。乃仰天長嘆數聲。懿有長子司馬師。字子元。次子司馬昭。字子尚。此二子素有大志。飽看兵書。此時侍立於側。見懿長嘆。乃問曰。父親何為長嘆也。懿曰。汝輩豈知大事耶。司馬師曰。莫非嘆魏主不用乎。司馬昭笑曰。早晚必來宣父親也。懿大驚曰。不意吾家又出麒麟兒矣。言未盡。

忽然天使持節至。懿聽詔畢。遂調宛城諸路軍馬起行。忽報有一人來告機密事。懿喚入密室問之。其人告曰。某乃金城太守申儀家人也。近有新城太守孟達。請上庸太守申耽并某主公商議。達曰。吾等乃大蜀人也。昨因時勢所逼。不得已而降之。魏文帝時。相待甚厚。當今魏主以吾等為外邦人物。視之如草芥。待之如糞土。今諸葛丞相奉命出師。兵至祁山。先敗夏侯惇。又敗曹真。殺得魏兵亡魂。

喪膽。今天水。南安。安定。三郡俱已歸順。勢如
劈竹。長安在旦夕休矣。吾等合從天道。就此
舉事。遂襲洛陽。其功莫大。汝等從否。申耽申
儀皆懼其勢。勉強應允。各自修補城池。聚集
軍馬。早晚必反。申家兄弟誠恐連累。先令某
來首。孟達心腹人李輔。并達外甥鄧賢。隨狀
出首。望都督早提兵來。自有內應也。司馬懿
聽畢。以手加額曰。此乃皇上齊天之洪福也。
今諸葛亮兵在祁山。殺得內外人皆膽落。今

天子不得已而幸長安。若旦夕不用吾時。孟達一舉。兩京休矣。此賊必通謀諸葛亮也。吾先破之。諸葛亮定然心寒。自退兵矣。長子司馬師曰。父親可急寫表申奏天子。懿笑曰。若等聖旨。往復一月之期。則孟達事已成矣。彼若把住險要。吾雖有百萬之衆。急難破也。即傳令教人馬起程。一日要行二日之路。如有怠慢者。斬之。懿又令參軍梁畿齎詔。星夜往新城。教孟達等準備征進。使彼不疑。梁畿先

行。懿隨後發兵。行了二日。山坡下轉出一軍。乃是右將軍徐晃。晃下馬見懿。說天子駕到長安。以退蜀兵。今都督何往。懿低聲言曰。今孟達造反。吾去擒耳。晃曰。某願為先鋒。懿大喜。合兵一處。前部徐晃。後軍二子。懿在中軍。又行了二日。前軍哨馬報。捉住孟達心腹人。搜出孔明回書。來見司馬懿。懿曰。吾不殺汝。汝從頭細說。其人只得將孔明孟達往復之事。一一告說了畢。懿看罷孔明回書。自驚曰。

世間能者所見相同。吾機先被孔明識之矣。幸得天子有福。獲此消息。則孟達無計也。遂感嘆不已。星夜倍道催僨軍行。却說孟達在新城。約下金城太守申儀。上庸太守申耽。克日舉事。耽儀二人。每日調練軍馬。只待魏兵到日。以為內應。却報孟達。言軍器糧草俱未完備。不敢約期起事。達信之。忽報參軍梁畿來到。孟達迎入城中。畿傳司馬懿將令曰。司馬都督今奉天子詔命。起諸路軍馬。以退蜀

兵太守可集本部軍馬聽候調遣。達問曰。都督何日起程。畿曰。以此時約之。離宛城望長安去了。達暗喜曰。吾大事成矣。遂設宴待了梁畿。送出城外。即報申耽申儀知道。明日舉事。換上大蜀旗號。發諸路軍馬。迤襲洛陽。忽報城外塵土冲天。不知何處兵來。孟達自登城視之。只見一彪軍打着右將軍徐晃旗號。飛奔城下。達大驚。急扯起吊橋。徐晃坐下馬收拾不住。直來到壕邊。高叫曰。反賊孟達。早

早受降。達大怒。急開弓射之。正中徐晃頭額。魏將救去。城上亂箭射下。魏兵方退。孟達恰待開門追趕。四面旌旗蔽日。司馬懿兵到。達仰天長嘆曰。果不出孔明之所料也。於是閉門堅守。却說徐晃被孟達射中頭額。衆軍救到寨中。取了箭頭。令醫調治。當晚而死。時年五十九歲。魏太和二年春正月也。後史官有詩讚曰。

降明權成厚。爭津定策高。揚名攻不備。陷

敵戰當麈。欲虜平襄漢。還屯振節旄。功踰
孫子右。魏武過情褒。

司馬懿令人扶柩還洛陽遷葬。次日孟達登
城視之。只見魏兵四面圍得鐵桶相似。達行
坐不安。驚疑未定。忽見兩路兵自外殺來。旗
上大書申耽申儀名字。孟達見是救軍到。慌
引本部軍大開城門殺出。耽儀大叫曰。反賊
休走。早早受降。兩路攻來。達見事變。撥馬望
城中便走。城上亂箭射下。乃是李輔。鄧賢。獻

了城池。二人大罵曰。吾等已獻了城池也。達取路而走。申耽趕來。達人困馬乏。措手不及。被申耽一鎗刺於馬下。梟軍梟其首級。餘軍皆降。李輔。鄧賢。大開城門。迎接司馬懿入城。撫民勞軍已畢。遂遣人奏知魏主曹叡。叡大喜曰。教將孟達首級。去洛陽城市碎剝示衆。加申耽申儀官職。就隨司馬懿征進。命李輔。鄧賢守新城上庸。却說司馬懿引兵到長安城外下寨。懿入城來見魏主。叡大喜曰。朕一

時不明。誤中反間之計也。卿閒居許久。朕悔之無及。今達造反。非卿等制之。兩京休矣。懿奏曰。臣聞申儀密告反情。意欲表奏陛下。恐往復遲滯。故不待聖旨。星夜而去。八日已到新城。孟達措手不及。被臣斬之。若待奏聞。則中諸葛亮之計也。言罷。將孔明回。孟達密書奉上。觀看畢。大喜曰。卿之學識。至於孫吳矣。賜金鉞斧一對。後遇機密重事。不必奏聞。便益行事。就令司馬懿出關破蜀。懿奏曰。臣舉

一大將可為先鋒。叡曰。卿舉何人。懿曰。此將乃河間鄭人也。姓張名郃。字雋義。見為右將軍。叡笑曰。朕正欲用之。遂命張郃為前部先鋒。即日起行。司馬懿引兵離長安來破蜀兵。未知勝負如何。

司馬懿計取街亭

却說魏主曹叡駕居長安。一邊撥五萬軍命二人領之。以助曹真。一人乃潁川陽翟人也。姓辛名毗。字佐治。為軍師。一人乃涿郡容城

人也。姓孫。名禮。字德達。為護軍。二人奉詔而去。於是司馬懿引二十萬軍出關下寨。請先鋒張郃至帳下曰。吾平生知汝忠勇。故在天子前保舉以退蜀兵。非同小可。諸葛亮乃當世之英雄。用兵如神。天下之人無不懼之。見屯兵於祁山。聲勢甚大。不作準備者。欺曹子丹無謀也。他不知吾來。吾今先算下地理有十餘處。皆峻險僻靜之路。諸葛亮平素謹慎。仔細。不肯造次行事。他却不知吾境內地理。

若是吾用兵。先後子午谷。迺取長安。早得多時矣。他非無謀。只怕有失。不肯弄險。必然軍出斜谷。來取郿城也。若取郿城。必分兵兩路。一軍取箕谷矣。此二處。吾發檄文。令子丹拒守郿城。若兵來。不可出戰。令孫禮率毗截住箕谷道口。若兵來。則出奇兵擊之。此萬全之計也。卻曰。將軍之兵。欲往何處去也。懿曰。吾素知秦嶺之西。有一條路。地名街亭。傍有一城。名列柳城。此二處皆是漢中之咽喉。諸葛

亮欺子丹無備。定從此處進也。吾與汝遙取街亭。望陽平關不遠矣。諸葛亮若知吾斷其街亭要路。絕其糧道。則隴西一境不能安守。必然連夜奔回漢中去也。彼若回動。吾以奇兵於小路擊之。可全勝矣。若不歸時。吾却將諸處小路盡皆壘斷。俱以兵守之。一月無糧。蜀兵皆饑餓死也。諸葛亮必被吾所擒矣。張郃大悟。乃拜伏於地曰。都督神算也。懿曰。雖然如此。諸葛亮不比孟達。汝為先鋒。勿輕進。

當傳與諸將。循山四路遠遠哨探。如無伏兵。方可前進。若是怠慢。必中諸葛亮之計也。張郃受計。引軍而行。司馬懿遣人持檄文來見曹真。真乃依計行之。却說孔明在祁山寨中與諸將曰。吾料孟達必死於司馬懿之手矣。使人探視去了。至今未回。忽報新城打細人到來。孔明喚入問之。細作告曰。司馬懿倍道而行。八日到新城。孟達措手不及。又被申耽申儀李輔鄧賢為內應。孟達被亂軍中所殺。

今司馬懿徹兵到長安。見了魏主。同張郃引兵出關。來拒丞相之師也。孔明大驚曰。孟達作事不密。死之當然。今司馬懿出關。必取街亭。斷吾咽喉之路也。誰可去守。言未盡。參軍馬謖曰。某願往。孔明曰。街亭雖然小可之地。干係有泰山之重。倘街亭有失。吾大軍皆休矣。汝雖深通謀畧。此地柰無城廓。又無險阻。所守極難。謖曰。某自幼歷學到今。豈不知兵法也。量一街亭不能守之。要某何用耶。孔明

曰。街亭正北。吾之咽喉。若咽喉斷絕。吾豈能
生也。街亭一失。蜀兵休矣。况司馬懿。非等閑
之輩。更有先鋒張郃之勇。智謀過人。乃魏之
名將也。恐汝不能敵之。諛曰。休道司馬懿。張
郃。便是曹叅親來。有何懼哉。若有差失。乞斬
全家。孔明曰。軍中無戲言。諛曰。願責軍令狀。
孔明從之。諛遂寫了軍令狀呈上。孔明曰。吾
與汝二萬五千精兵。再撥一員上將相助。你
去。即喚王平。分付曰。吾素知汝平生謹慎。故

託汝去。汝可小心謹守此地。下寨當要道之處。使賊兵急且不能偷過也。如安了營寨。便畫四至八道地理圖本將來。凡事商議停當而行。不可輕易。如所守無危。則是取長安第一之功也。戒之。戒之。二人拜辭。引兵而去。孔明尋思。恐二人有失。又喚高翔曰。街亭東北上有一城。名列柳城。乃山僻小路。此可以屯軍。與汝一萬兵去此城屯紮。但街亭危。可引兵救之。高翔引兵而去。孔明又思。高翔非張

郤之對手。必得一負大將。屯兵於街亭之右。足可防之。遂喚魏延曰。汝可引本部兵去街亭之後屯劄。待兵來。汝可應之。延曰。某為前部。理合當先破敵。萬死不辭。何故置某於安閑之處耶。孔明曰。今汝接應街亭。當陽平衝要道路。總守漢中咽喉。此乃大都督之任也。何為安閑乎。汝勿以等閑視之。失吾大事。前鋒破敵者。乃偏裨之將耳。汝宜小心。以代吾權。魏延大喜。引兵而去。孔明恰纔心安。乃喚

趙雲鄧芝。分付曰。今司馬懿出兵。與舊日不同。汝二人。各引一軍出箕谷。以為疑兵。如逢魏兵。或戰。或不戰。以驚其心。吾自統大軍由斜谷。迤取郿城。若得郿城。長安可破矣。二人受命而去。孔明令姜維作先鋒。兵出斜谷。却說馬謖。王平。兵至街亭。看了地勢。馬謖嘆曰。丞相何故多心也。量此山僻之處。魏兵如何敢來。王平曰。雖然魏兵不敢來。可就此五路總口下寨。却令軍士伐木為柵。以圖久計。謖

曰。當道豈是下寨之地也。此處側邊一山。四面皆不相連。且樹木極廣。此乃天賜之險也。可就此山上屯軍。平曰。參軍差矣。若屯軍當道。築起城垣。賊兵總有十萬。不能過也。今若棄此要路。屯兵於山上。倘魏兵驟至。四面圍定。將何策保之。謾大咲曰。汝真女子之見。兵法云。凭高視下。勢如劈竹。若魏兵到來。吾教他片甲不歸也。平曰。吾累隨丞相經陣。每到之處。丞相盡意指教。今觀此山。乃絕地也。若

魏兵斷其汲水之道。軍不戰自亂矣。謖曰。汝莫亂道。孫子云。置之死地而後生。若魏兵絕吾汲水之道。是自取死耳。吾軍豈不死戰。以一可當百也。吾素讀兵書。深通謀畧。丞相諸事。尚問於吾。汝何等之人。安敢阻耶。平曰。若參軍欲在山上下寨。可令兵五千與吾。自於山西下一小寨。為犄角之勢。倘魏兵至。可以應之。王平累次苦諫。馬謖堅執不從。忽然山中居民成隊飛奔而來。報說魏兵到了。王平

辭去。馬謖曰。汝既不聽吾令。與汝五千兵。待
吾破了魏兵。到丞相面前。湏分不的功也。王
平引兵離山十里下寨。畫成圖本。星夜差人
去稟孔明。說馬謖自於山上下寨。又聞高翔
屯軍於列柳城。魏延屯軍於中路。馬謖並無
懼怯之意。却說司馬懿在城中。令次子司馬
昭去探前路。又令先鋒張郃引馬步軍前去
哨探。若街亭有兵守禦。即按兵不行。小卒依
令探了一遍回。說街亭有軍守把。皆屯於山

上。司馬昭回見父曰。街亭有兵守把。懿嘆曰。諸葛亮真乃神人。吾不如也。昭嘆曰。父親何故自墮志氣耶。愚男料街亭易取。懿問曰。汝安敢出此言也。昭曰。男與小卒親自哨見。當道並無寨柵。路傍有一軍。皆屯於山上。故知可破也。懿大喜曰。若兵果在山上。乃天意使吾成功矣。遂更換衣服。引十餘騎自來視之。是夜天晴月朗。直至山下。週迴巡哨了一徧。方回。馬謖在山上見之。大咲曰。彼若有命。不

來圍山。傳令與諸將。倘兵來。只看山頂上紅
旗招動。即四面皆下。却說司馬懿回到寨中。
使人打聽。是何將引兵守街亭。一人報曰。乃
馬良之弟馬謖也。懿笑曰。此乃庸才耳。諸葛
亮雖有才智。不識人物。此輩為將。何事不誤。
又喚張郃問曰。街亭左右別有軍否。郃曰。離
山十里。有王平安營。懿曰。汝可引一軍當住
王平來路。吾令申耽申儀引兩路兵圍山。先
斷了他汲水道路。蜀兵自亂矣。却乘虛擊之。

街亭可取也。當夜調度已定。次日天明。張郃引兵先往背後去了。司馬懿大驅軍馬一擁而進。喊聲起處。把山四面圍定。但有汲水道。路皆以精兵圍之。馬謖在山上。看時。只見魏兵漫山遍野。旌旗隊伍甚是嚴整。蜀兵見之。皆喪其膽。不敢下山。馬謖將紅旗招動。軍將皆你我相推。無一人敢動。謖大怒。自殺二將。衆軍驚懼。只得努力下山。來衝魏兵。魏兵端然不動。蜀兵又退上山去。馬謖見事不諧。教

軍謹守寨門。只等外應。却說王平見魏兵到。引軍殺來。正遇張郃。戰有數十餘合。平力窮勢孤。復退去。魏兵自辰時困至戌時。山上無水。軍不得食。寨中大亂。馬謖禁止不住。攘到半夜時分。山南蜀兵大開寨門下山。降魏。盡被殺之。司馬懿令人於沿山放火。軍士驚慌。馬謖料守不住。驅兵殺下山西。懿放條大路。讓過馬謖。背後張郃引兵追來。赶到三十餘里。前面鼓角齊鳴。一彪軍出。放過馬謖。攔住。

張郃視之。乃前督部。鎮北將軍。都亭侯。魏延也。延揮刀驟馬。直取張郃。郃回軍便走。延驅兵趕來。復奪街亭。赶到五十餘里。一聲喊起。兩邊伏兵齊出。左邊司馬懿。右邊司馬昭。却抄在魏延背後。把延困在垓心。張郃復來。三路兵合在一處。要擒魏延。未知延之性命如何。

孔明智退司馬懿

却說魏延被魏兵困在垓心。左衝右突。不得

脫身。兵折太半。正危急之間。忽然喊聲大至。一彪軍殺入。乃是牙門將裨將軍王平也。延大喜曰。吾得生矣。二將合兵一處。大殺一陣。魏兵方退。二將慌忙奔回寨時。營中皆是魏兵旌旗。寨中申耽申儀殺出。魏延王平遂奔列柳城。來投高翔。此時高翔聞知街亭已失。盡起列柳城之兵。前來救應。正遇延平二人。言說已折了三處。如何去見丞相。高翔曰。不如今晚去劫魏寨。再復街亭。當時三人在山

坡下商議已定。天色將晚。兵分三路。却說魏延引兵至街亭。不見一人。心中大疑。未敢輕進。且伏在路口等候。忽見高翔兵到。二人共說。魏兵不知在何處。正沒理會。又不見王平兵來。忽然一聲砲響。火光冲天。鼓聲震地。魏兵齊出。把魏延高翔圍在垓心。二人往來衝突。不得脫身。忽聽得山坡後喊聲若雷。一彪軍殺入。乃是王平。救了高魏二人。迺排列柳城來。比及奔到城下時。城邊早有一軍殺到。

旗上大書魏都督郭淮字樣。原來郭淮與曹真商議。恐司馬懿得了全功。乃令淮來取街亭。聞知司馬懿張郃成了此功。遂引兵迺撲列柳城來。正遇三將。但是蜀兵皆從魏兵內殺出來。中傷者大半。如何戰得力生軍。因此又被郭淮大殺一陣。魏延恐陽平關有失。慌與王平高翔望陽平關來。却說郭淮收了軍馬。乃與左右曰。吾雖不得街亭。却取了列柳城。亦是大功也。引兵迺到城下叫門。只見城

上一聲砲響。旗幟皆豎。當頭一面大旗。上書平西都督驃騎大將軍司馬懿。懿撐起懸空板。倚定護心木欄杆。大咲曰。郭伯濟來何遲也。淮大驚曰。吾今又不出仲達之手矣。遂入城相見已畢。懿曰。今街亭已得。諸葛亮必走矣。公可速與子丹星夜追之。郭淮從其言。出城而去。懿喚張郃曰。子丹伯濟恐吾全獲大功。故取此地城池。吾非獨欲成功。乃僥倖而已。吾料魏延。王平。馬謖。高翔等輩。必去死據。

陽平關也。吾若去取此關。諸葛亮必隨後掩殺。中其計耳。兵法云。歸師莫掩。窮寇休追。若追。必死敵手。吾今却從小路抄蜀兵之後。盡奪其輜重。汝可從小路抄箕谷退兵。吾自引兵當斜谷之兵。若彼敗走。不可相拒。只宜中途截住。馬匹輜重。可盡得也。張郃受計。引兵一半去了。懿下令。遂取斜谷中道。必至西城。雖然山僻小縣。乃是蜀兵屯糧之所。即南安天水安定三郡總路。若得此城。三郡再可復。

矣。於是司馬懿留申儀、申耽守列柳城，自領大軍取三路而進。却說孔明自令馬謖等守街亭去後，猶豫不定。忽報王平使人齎圖本至。孔明喚入左右呈上圖本。孔明就文几上折開視之。孔明看畢，拍案大驚曰：「馬謖真匹夫！坑陷吾軍，早晚必有長平之禍也。」音日趙括白起

之事長平折軍四十萬

急欲差人去換馬謖回還。長史

楊儀問曰：「丞相何大驚乎？」孔明曰：「吾觀此圖本，失却要路，占山為寨，倘魏兵大至，四面圍

合斷其汲水道路。不須二日。軍自亂矣。若街亭有失。吾等何歸也。儀曰。某雖不才。願替馬幼常回。孔明將安營之法。一一分付與楊儀。恰待要行。忽報馬到來。說街亭列柳城。盡皆失了。孔明跌足長嘆曰。大事去矣。吾之過也。急喚關興。張苞。分付曰。汝二人各引三千精兵。投武功山小路而行。如遇魏兵。不可大擊。只鼓譟呐喊。為疑兵驚之。彼自走矣。亦不可追之。待軍退盡。便投陽平去。又令張翼先去。

引軍修理劍閣。以備走路。又傳令教大軍暗
暗收拾行裝。以備起程。又令馬岱姜維斷後。
先伏於山谷中。待諸軍退盡。方始收兵。又令
馬忠引兵去搦曹真廝殺。又差心腹人。分投
報與天水南安安定三郡官吏軍民。皆入漢
中。孔明分撥已定。先引五千精兵。退去西城
縣。連夜催併各處兵。皆歸漢中。此時孔明正
在西城縣搬運糧草。忽然十餘次飛報馬到。
說司馬懿引大軍十五萬。望西城風擁而來。

孔明身邊別無大將。止有一班兒文官。所引五千軍。已分了一半先運糧草去訖。只有二千五百軍在城中。衆官聽得這般聲息。盡皆失色。孔明登城望之。果然塵土冲天。兩路分兵望西城縣而來。只見西城之分。而土紛紛。紅日昏暗。遂傳令。教將旌旗盡皆隱匿。諸軍各守城鋪。如有妄行出入。及高言大語者。斬之。大開四門。每一門用二十軍士。扮作百姓。洒掃街道。如魏兵到時。不可擅動。吾自有計。

孔明乃披鶴氅。戴華陽巾。引二小童。攜琴一
張。於城上敵樓前凭欄而坐。焚香操琴。却說
司馬懿前軍到城下。見了如此模樣。皆不敢
進。急報與司馬懿。懿咲而不信。遂止住三軍。
自飛馬遠遠望之。正見孔明坐於城樓之上。
咲容可掬。焚香操琴。左有一童。手捧寶劍。右
有一童。手執麈尾。城門內外有二十餘百姓。
低頭洒掃。傍若無人。懿看畢。大疑。便到中軍。
教後軍作前軍。前軍作後軍。望北山路而退。

次子司馬昭笑曰。莫非諸葛亮無軍。故作此態。父親何太持疑而退兵也。懿曰。亮平生謹慎。不曾弄險。今大開城門。必有埋伏。我兵若進。中其計也。汝輩豈知。可宜速退。因此兩路兵盡皆退去。孔明見魏兵遠去。撫掌而笑。衆官無不駭然。乃請問孔明曰。司馬懿乃魏之名將。今統十五萬精兵到此。見了丞相。便速退去。何也。孔明曰。此人料吾平生謹慎。心不弄險。見如此規模。疑有伏兵。故退去。吾非行

險。蓋因不得已而用之。此人必引兵投山北小路而去也。吾已令興苞二人在彼等候。衆皆驚服曰。丞相之機。神鬼莫測。若以某等之心。必棄城而走矣。孔明曰。吾兵止有二千五百。若棄城而走。必不能遠遁。皆被司馬懿所擒也。言訖。拍手大咲曰。吾若是司馬懿。必有別論矣。遂下令。教西城百姓盡隨軍入漢中。司馬懿不久復來也。於是孔明遂離西城。望漢中而走。天水。南安。安定。三郡官吏軍民。陸

續而來。却說司馬懿望武功山小路而走。忽然山坡後鼓聲震地。喊殺連天。懿回顧二子曰。吾若不走。必中諸葛亮之計矣。只見大路上。一軍殺來。旗上大書。右護衛使虎翼將軍張苞。魏兵皆棄甲拋戈而逃。行不到一程。山谷中喊聲震地。鼓角喧天。前面一桿大旗。上書左護衛使龍驤將軍關興。山谷應聲。不知蜀兵多少。更兼魏軍心中驚疑。不敢久停。只得盡棄輜重而去。興苞二人皆遵將令。不敢

追襲。多得軍器糧草而歸。當時司馬懿見山谷中皆有蜀兵。不敢出大路。遂回街亭。此時曹真聽知孔明退兵。急引軍追趕。山背後喊聲震地。鼓角喧天。蜀兵漫野而來。為首大將乃是姜維馬岱。真大驚。急退軍時。先鋒陳造早被馬岱斬之。真引兵鼠竄而還。蜀兵連夜皆奔回漢中。却說趙雲鄧芝伏兵於箕谷道中。聽的孔明傳令回軍。二人商議曰。魏兵知吾軍退。必來追也。吾先引一軍伏於其後。公

却引軍打吾旗號。徐徐而退。吾一步步自有護送也。却說郭淮提兵再回箕谷道中。乃喚先鋒蘇顥。分付曰。蜀將趙雲。世之英雄。非等閑之輩。汝可小心隄防。彼軍若退。必有計也。蘇顥忻然曰。都督若肯接應。某當生擒趙雲。遂引前部三千兵。迤邐箕谷。看看趕上蜀兵。只見山坡後閃出紅旗白字。上書常山趙雲。蘇顥急收兵退走。行不到數里。忽喊聲大震。一彪軍撞出。為首大將。挺鎗躍馬。大喝曰。汝

見趙子龍否。蘇顥大驚曰。這裏又有趙雲。吾不能生矣。措手不及。被子龍一鎗刺死於馬下。餘軍潰散。子龍迤邐前進。背後又一軍到。乃郭淮部將萬政也。來與蘇顥報讐。子龍見魏兵追急。乃勒馬挺鎗。立於路口。待來將交鋒。蜀兵約行三十餘里。魏兵尚然不到。萬政認的是子龍。不敢前進。子龍等的天色黃昏。方纔撥回馬。緩緩而進。郭淮兵到。萬政言子龍英雄如舊。因此不敢近前。淮傳令教軍急

趕。政領數百騎壯士趕來。行至一大林。忽聽得背後大喝一聲曰。趙子龍在此。驚得魏兵落馬者百餘人。餘者皆越嶺而去。萬政勉強來敵。被子龍一箭射中盔纓。驚跌於澗中。子龍以鎗指之曰。吾饒汝性命回去。快教郭淮趕來。萬政脫命而回。子龍護送車仗人馬望漢中而去。沿途並無失遺。曹真郭淮復奪三郡以為已功。却說司馬懿分兵而進。此時蜀兵盡回漢中去了。懿引一軍復到西城。因問

遺下居民。及山僻隱者。皆言孔明止有二千五百軍在城中。又無武將。只有幾箇文官。別無埋伏。武功山土民告曰。關興。張苞。各引三千軍轉山吶喊。鼓譟驚追。又無別軍。並不敢廝殺。懿悔之不及。仰天嘆曰。吾不如孔明也。遂安撫了諸處軍民。引兵返回長安。朝見魏主。叡曰。今日復得隴西諸郡。皆卿之功也。懿奏曰。今蜀兵見在漢中。未盡勦滅。臣乞天下之兵。併力收川。以報陛下。叡大喜。令懿即便

興師。忽班內一人。出而奏曰。臣有一計。以獻
陛下。足可定蜀吳也。未知獻計者何人。且聽
下回分解。

三國志通俗演義卷之十九

終